


# Ibuku rĩa Ngai kũrĩ ciana nĩrĩrakũrehera

## Petero na Hinya wa Mahooya



Rwandĩkĩtwo nĩ: Edward Hughes

Rũthathaũrĩtwo nĩ: Janie Forest  
Alastair Paterson

Rũharĩrĩnio nĩ: Ruth Klassen


Rũtaũrĩtwo nĩ: Stephen Kimani

Rũtungĩtwo nĩ: Bible for Children  
[www.M1914.org](http://www.M1914.org)

©2024 Bible for Children, Inc.


Rũtha: Nĩwĩrĩkĩrĩtio kuruta kana gucabithia rũgano rũrũ,  
angĩkorwo ti rwa kwendia.

Mũtũmwo Petero  
athiaga kũndũ  
guothe kũhunja  
ũhoru wa Jesũ.



Mũthenya ũmwe itũũrainĩ  
rĩa Lida, agĩcemanía na  
mũndũ waarĩ gĩtandainĩ,  
onjeete, mĩaka ĩnaana.  
Petero akĩmwĩra, "Jesũ  
Kristũ nĩakũhoneetie.  
Ūkĩra woee gĩtanda  
gĩaku." Mũndũ ũcio  
agĩũkĩra o rĩmwe. Andũ  
aria moonire ũguo  
magĩcokerera

Mwathani.



Andũ a itũũra rĩa hau hakuhĩ rĩa Jopa maarĩ na kĩaha. Mũtunia Mũkristiano wetagwo Dorokasi nĩakuĩte. Marĩ na kĩaha araata aake makĩharĩria mwĩrĩ wake nĩũndũ wa mathiko, makĩũtwara nyũmba ya igũrũ kũrĩa macakayaga.

3



No araata a Dorokasi makĩguu atĩ Petero nĩacereete kũu. Magĩĩta Petero ooke Jopa o rĩmwe. Rĩrĩa athiire kanyũmba kau ka igũrũ, atumia a ndigwa makĩmuonia nguo iria Dorokasi athondekete. Andũ othe nĩmarĩraga.

4



No Petero akĩmaingata othe, agĩturia ndu na akĩhooya. Akĩrora kĩĩmba na akiuga, "Dorokasi, arahũka." Dorokasi akĩhingũra maito maake, na rĩrĩa oonire Petero agĩũkĩra.

5



Akĩmũne guoko gwake na akĩmuoya; arĩkia gwĩta atheru (Akristiano) na atumia a ndigwa, akĩmuonania e muoyo. Ũhoro ũcio ũkĩmenyeka Jopa guothe, na andũ aingĩ magĩĩtikia Mwathani.


6



Petero agĩkara kahinda kanene Jopa, nyũmba yaarĩ hakuhĩ na iria. Mũthenya ũmwe Petero agĩthĩ nyũmba igũrũ kũhooya.

Korwo nĩarorire mwena ũcio ũngĩ wa thingo cia itũũra, nĩangĩonire agendi atatũ makĩmwetha.

7



Andũ aya maarĩ ndungata cia mũthigari wa Roma wetagwo Korinelio, waarĩ mũhooi Ngai. Korinelio atũmire ndungata ciake igeethe Petero nĩũndũ

mũraika nĩamwĩrĩite kũgerera kĩoneki,


"Tũmanira Petero. Aikarĩite kwa Simoni, mũtanduki wa njũũa, nyũmba yake irĩ hakuhĩ na iria. Nĩagakwĩra ũrĩa ũgwĩka."

8

Rĩrĩa Petero ahoyaga arĩ nyũmba igũrũ, Ngai akĩmũtũmĩra kĩoneki. Kĩonekaga ta gĩtaama kĩnene gĩgĩkũrũka thĩ. Gĩtaamainĩ kũ kĩaarĩ na nyamũ na


nyoni. Petero nĩonaga atĩ ici cĩaarĩ na "thaahu."

Kuuga atĩ Ayahudi a dini matiefĩkĩrĩĩtio gũcirĩa. O rĩmwe mũgambo ũkĩmũũkĩra. "Arahũka Petero, ũraga na ũrĩe."




9

Petero akĩĩra Ngai, "Ti ũguo, Mwathani! Tondũ ndirĩ ndaarĩa kĩndũ gĩtarĩ kĩamũre kana kĩrĩ thaahu." Mũgambo ũkimwariria rĩa keerĩ. "Kĩrĩa Ngai atheretie ndũgagĩite kĩũru." Ũndũ ũyũ ũgicokerũo maita matatũ. Thuutha nĩguo gĩtaama kũ kĩoirũo naigũrũ gĩgĩcokio matuinĩ rĩngĩ.



10

Petero ndataũkirwo ũrĩa kĩoneki kũ kĩaugaga. Rĩrĩa eeciragia ũhoru ũcio, Ngai akĩmwĩra atĩ andũ atatũ nĩmamwethaga na agĩrĩrwo gũthĩ nao.




11

Rĩrĩa andũ acio atatũ meerire Petero atĩ mũraika mũtheru nĩrĩite Korinelio mamũite, Petero akĩmenya atĩ Ngai nĩamũtongoragia. Mũthenya ũcio ũngĩ we na araata aake atandatũ magĩthĩ mũciĩ kwa Korinelio.




12

Nogũkorwo rĩrĩa athiaga kwa mũndũ ũyũ ũtaarĩ Mũyahudi, Petero akĩambĩrĩria gũtaũkwo atĩ Ngai nĩendeete andũ othe - atĩ Ngai endaga ndũũrĩrĩ ciothe imenye Jesũ nĩ Mũhonokia wa thĩ. Rĩrĩa Petero akinyire, Korinelio akĩgũa thĩ agĩthathaiya mbere yake.




13

Petero akĩĩra Korinelio, "Rũũgama. Nĩ ndĩ mũndũ ta we." Agĩcooka akĩĩra andũ othe arĩa maarĩ nyũmba, "Nĩmũũĩ ũrĩa arĩ mũgarũ na watho Mũyahudi gũtwarana kana gũthĩ mucĩ wa andũ a ndũũrĩrĩ."



14

"No Ngai nĩanyoneetie atĩ ndiagĩrĩrwo gwĩta mũndũ atĩ ti mwamũre kana arĩ na thaahu."



15

Petero akĩra andũ aya a ndũũrĩrĩ (arĩa mataarĩ Ayahudi) atĩ Jesũ nĩ Mũru wa Ngai ũrĩa wakwire mũtharabainĩ na akĩriũka rĩngĩ agĩtwĩka Mũhonokia wa thĩ. Roho Mũtheru akĩmaiũra na makĩambĩrĩria kũgocca Ngai. Araata atandatũ a Petero Ayahudi makĩmaka. Kwarĩ ta mũthenya wa Bendegothito. Kĩheeo kĩa Roho Mũtheru gĩkĩheanwo kũrĩ nginya andũ a Ndũũrĩrĩ. Petero nake akĩbatithia eetĩkia aya eerũ thĩnĩ wa Jesũ.



16

Kũu Jerusalemu, Akristiano makĩnegenia Petero nĩũndũ wa gũceerera andũ a Ndũũrĩrĩ. Nake Petero akĩmeera ũhoru wa kĩoneki we na Korinelio maheetwo mahooyainĩ. Rĩrĩa maigwire maũndũ macio, Akristiano a Jerusalemu magĩkĩra. Na makĩgocca Ngai, ũrĩa, kũgerera mahooya, onanĩtie atĩ wendo wa Ngai nĩ wa andũ othe.



17

Petero na Hinya wa Mahooya

Rũgano kuma Kiugoinĩ Kĩa Ngai,  
kĩrĩa kĩ Ibukuinĩ rĩa Ngai,

rũrĩ thĩnĩ wa

Atũmwo 9-12

"Ciugo Ciaku ciatarĩrio nĩrehaga ũtheri."  
Thaburi 119:130

18

Rũgano rũrũ, rũrĩa rumĩte Ibukuinĩ rĩa Ngai, rũratũmenyithia igũrũ rĩa Ngai witũ wa magegania, arĩwe ũrĩa watũmbire na ningĩ akenda ũmũmenye.

Ngai nĩoĩ atĩ nĩtwĩkĩte maũndũ moru, marĩa etaga mehia. Mũcara wa mehia nĩ gĩkuũ, no Ngai nĩakwendete mũno makĩria nginya agĩtũma Mũrũ wake wa mũmwe, Jesũ, nĩguo oragwo mũtharabainĩ na aherithio nĩtondũ wa mehia maku. Nĩacokire akĩriũka na akĩinũka mũcĩĩ igũrũ kwa Ngai! Ũngĩtĩkia Jesũ na ũmũrie akuohere mehia maku, nĩegwĩka ũguo! Nĩegũka na atũre thĩnĩ waku kuma rĩu, na ningĩ ũgatũrania nake tene na tene.

Ũngĩtĩkia atĩ ũhoru ũyũ nĩ wa ma, ĩra Ngai ũũ: Mwendwa Jesũ, nĩndetĩkia atĩ wĩ Ngai, na nĩwatuĩkire mũndũ nĩguo ũkue nĩtondũ wa mehia makwa, na rĩu wĩ muoyo. Nĩndakũhoya ũũke mũtũrĩreĩnĩ wakwa na ũnjohere mehia makwa, nĩguo kuma rĩu, ngĩe na muoyo mwerũ, na mũthenya ũmwe ngoka ndũranie nawe tene na tene. Ndeithia gũgwathĩkagira na gũgũtũrĩra ta mwana waku. Nĩgũtũke ũguo.

Thoma Ibuku rĩa Ngai na waranagĩrie nake o mũthenya o mũthenya! Johana 3:16

20

Mũico

57



60 19